

Visoki predstavnik produzio rok za izvršenje odluka Komisije za imovinske zahtjeve raseljenih lica i izbjeglica (CRPC)

Visoki predstavnik, Wolfgang Petritsch, donio je jucer dvije Odluke kojima se u oba entiteta produzavaju rokovi za podnošenje zahtjeva za izvršenje odluka izdatih od Komisije za imovinske zahtjeve raseljenih lica i izbjeglica (CRPC), a koje se odnose na imovinu u drustvenom vlasnistvu.

U skladu sa entitetskim zakonima o provodjenju CRPCovih odluka, koji su stupili na snagu 28. oktobra 1999. god., postojala su dva roka vezana za podnošenje zahtjeva za izvršenje CRPCovih odluka koje se odnose na imovinu u drustvenom vlasnistvu. Kada se radi o odlukama koje je CRPC izdao nakon stupanja na snagu zakona, imaoci ovih odluka su prvobitno imali rok od godinu dana od dana izdavanja odluke da zahtijevaju izvršenje ovih odluka. Kada su u pitanju CRPCove odluke koje su izdate prije stupanja na snagu zakona – prije 28. oktobra 1999.god. -, rok je bio godina dana od dana stupanja na snagu ovih zakona, odnosno do 27. oktobra 2000. god.

Na zahtjev CRPCa, koji ima poteskoca u lociranju nekih podnosilaca zahtjeva kojima je izdao odluke, Visoki predstavnik je produzio oba roka za dodatnih sest mjeseci. To znaci da imaoci CRPCovih odluka koje su izdate nakon 28. oktobra 1999. god. sada imaju rok od 18 mjeseci od dana kada je odluka izdata da zahtijevaju izvršenje istih. Imaoci CRPCovih odluka koje su izdate prije 28. oktobra 1999. god.

imaju rok do 27. aprila 2001. god. da zahtijevaju izvršenje istih.

Visoki predstavnik je donio ove Odluke kako bi sva raseljena lica i izbjeglice koji u posjeduju CRPCove odluke imali odgovarajuću priliku da zahtijevaju izvršenje istih. U skladu sa Aneksom 7 Dejtonskog mirovnog sporazuma, CRPCove odluke su konačne i obavezujuće, a organi vlasti su obavezni da ih izvrše. Imajući CRPCovih odluka treba da podnesu zahtjev za izvršenje ove odluke nadležnom administrativnom organu u općini gdje se nalazi njihov stan u društvenom vlasništvu.

Jucerasnje Odluke Visokog predstavnika su stupile na snagu jucer i moraju se bez odlaganja objaviti u službenim novinama oba entiteta. Visoki predstavnik je donio ove Odluke koristeći svoje ovlasti koju su mu date Aneksom 10 Dejtonskog mirovnog sporazuma, te pozivajući se na Zaključke sa konferencije Vijeća za implementaciju mira održane u Bonu u decembru 1997. god.